

賴處士說老君降生事驗

賴處士者江湖人也。在楊公玄默門館為客十餘年矣。不知其道術所習。楊公每盡禮敬之。若師友焉。多在宅內。少有見者。楊公時為左軍。有小判官數人。有王有梁。王則辨博聰明。人多致敬。必謂其有非常之位也。梁則謙默謹靜。慎重寡言。人多疎之。必謂其不肖也。唯使宅軍將成君。賞與梁稍狎。賴處士忽於宅門與成語曰。致身之道。先須識貴人。頗識之乎。成曰。某愚暗。何以能辨。賴曰。仙文教之處。士曰。梁大夫貴人也。此後當主樞機重務。吾子立身領旄節。須在其手。善依託焉。王大夫雖聰穎如此。壽且不永。將殁於他鄉。此後宗社不寧。天下荒亂。干戈競起。梓曆甚危。太上老君自降王官作幼主。以扶此難。社稷可以存耳。梁大夫主機務。吾子領藩方。皆在幼主之手。可自寶愛耳。吾自此不復留也。數日處士辭楊公而去。成異其言。禮敬於梁。交結甚固。俄而楊公罷權。位王有罪。竄於南方。死于道路。其言愈驗。咸通十四年秋。梁為內樞密

成爲軍使。僖宗即位三日。對軍。日色初出。微照階砌。聖上起更衣。未坐。梁公醒然憶悟。賴處士之說。因臨階與成話之。左軍韓公頗異其私語。詰之。再三。梁與成以實白之。韓以少主初立。中外未安。聞此言。極爲慰喜。自是成持節滄州。譬如賴處士之說。中原紛擾。胎禍積年。社稷晏安。宮城再復。駐蹕數年。聖德如一。僖皇中興之力也。

道教靈驗記卷之六

道教靈驗記卷之七

廣成先生杜光庭集

老君靈驗

賈湘事老君驗

賈湘累世好道。崇奉香燈。諱職計司。家頗豐贍。然其修奉。勤至人所不及。有一幅老君像。幘持以自隨。所至之處。雖一日一夕。亦設焚香之位。應感之效。不可殫述。黃巢既陷長安。大駕西幸。湘提金帛。挈骨肉。自東渭橋出道。則剽掠之人。不知紀極。其一家百餘人行。行李無所。驚懼遠於龍角山下。葺居避難。衣冠及遠近道流。皆投其家。各與拯紀。請道流轉道。德度人。經不啻萬卷。有羣賊忽圍其家。湘入告老君。乃出與語。賊投刃於地。羅拜其前。湘問其故。默而不答。拜亦不已。湘捨而入。門羣賊猶拜。唯稱罪過。湘哀入持繒帛。使人與之。慰勉。移時稍稍而去。一無所取。自此外戶不扃。人無敢犯。或問羣惡有何所見。而反拜之。曰。我見賈常侍左右。神兵極多。皆長數丈。牙口瞪目。似欲吞噬。不覺亡魂喪膽。惟恐不得

命耳時既修宮闕車駕將還湘於老君前請進退之兆忽見香爐邊有果苗甚茂上有兩穗如風所動粟穗西指乃破產移家歸京永興里尋其舊第已墮拆有小舍一二十間權為栖止三月駕歸京師方雜草構宇於基址之下得銀六十兩家產益贖五載亂離力未嘗闕乃其嚴奉精專太上垂祐使之然也

龍鶴山老君驗

眉州丹陵縣龍鶴山古有觀宇老君像存焉邑人祈田藝雨澤無不立應時有盜賊侵逼縣邑衆皆危懼因望山焚香以求祐護即見老君山所有雲氣連繞縣郭雙鶴飛翔巨龍騰躍當縣城之上夷人見之驚懼而退乃大葺觀舍累年修崇齋禱祈迨無虛月頃自荒亂以來無人居止乙丑年縣復早曠所在祠廟祭皆無驗鎮使王宗坦躬往焚香以甘澤為請虔誠所感俄有陰雲垂空還未及郭雨已大霑境邑之內信宿雨足自是人復致殿將欲創興古跡以答神功焉

龍瑞觀老君驗

彌牟鎮龍瑞觀老君開元中所製觀在洄流上下控澄潭有龍神所處老君靈應鄉里共傳頃以夏旱逾旬將欲害稼漢州刺史王宗夔憂物瘠心誠明感動與羣寮馳往禱祈炷香虔拜俄而雲物異常似有役應還旆赴州十里許大雨已至自是豐足每植札瘥為疫水旱致災凡有誠祈必獲昭應夫昔有綿州居人年運既長而無嗣續因買齋經過知老君家有靈應鄉里所傳乃齋香火詣觀禱祈曰欲得一子必令入道懇拜再三而去行及中路逢一老人共歇樹陰下因話禱求嗣胤之事仍許入道老人曰本要子孫繼續今若入道亦無繼續矣當得二男一令奉家一令入道則周備矣如是共行數步失老人所之忽覺異香之氣衆行路皆聞方乃悟其神異自是果有二男一以紹繼傳家次子入道願聰悟博覽明於教典自此祈請多驗焉又新繁人楊志好道家有疫疾數口安困自詣龍瑞觀祈乞保護精意燃香注拜以請及還家道逢老人授以呪訣及禁水噴灑之法言依

我法行之可轉救他人何況於己但務立功勿貪財帛他日當有所遇受託共行言語之次忽然不見楊志驚異了了記其所教歸而行之以水噴灑大小皆起一家平復遂轉救隣里立有徵驗如此數縣之人賴其救理疫毒不侵問其所行但言太上老君法耳故人號之為楊老君焉

許述事老君驗

許述事老君乃湖州人也世事農畝力耕恪勤而已忽頻年水災衣食稍闕弟兄相聚憂馬忽夢神人羽衣大冠雲氣而行謂之曰爾神仙子孫當須歸心太上以求福祐可致家豐力足矣拜謝而覺因求太上之像於紫極宮得老君慎一幅畫蹤甚古歸於淨所以奉香燈旦夕精謹若奉所親矣自是家道稍豐所向畢遂疾疫不作農桑有成遂發願每冬置靈寶道場以申荷謝湖浙間冬有滯雨述將啓齋壇必遇晴霽雖陰晦累日亦臨事而雨止露於庭中初終三日星辰皎潔固為常矣鄉里遠近咸伏其精誠神其應感因遊洞

庭山過太湖偶與兩船同行中道風起二船
駭盪將沒者數四述船如常安穩殊不覺知
有風及至山下五相勞問二船皆云適見許
家船上有紫氣平覆船背上有白衣仙人侍
者皆著五色衣光彩照天盡如金色乃知許
船是老者所護風波不傷自此二船之人皆
發心供養求寫許述老者之像誓心歸依盡
獲靈應

沈瑩事老君驗

吳興沈瑩宿奉至道常供養老君於越州剡
縣市中有居第時草窳麥甫起自晨啟曉聚
凶徒奔突縣邑素無武備官吏奔駭南因據
有縣城詔徵陳許鄭滑淮浙徐泗之軍以討
之八道天軍圍城以攻之海內久無兵戈居
人不識征戰師至之日皆潛窺村落瑩者惶
鎖其外門而逸士馬既至瑩誤鎖小僮一人
在舍中却迴將開門則瑩暴死列不敢窺犯
而去其後或勝或敗兵勢不常市肆半被焚
蕪或連徒所據或官軍所收十餘月日方至
誅珍罷兵之後瑩所居六七間扁鐫如常羅

垣完備及開鑰小童安然問其故云門閉之
後有一童子衣青衣年可十三四云老君令
與其嬉戲良久引去一大宅內得飲食果實
食啗了却與童子為伴遊戲如半日頃即聞
老君令其添香纔炷香了即聞開門之聲瑩
入門時香煙未歇問其開戰火燭隣里焚燒
驚怕之事一無所聞是則十月戰爭比隣灼
蕪如同頃刻殊不覺知列肆併焚其家獨在
非大聖神通之力孰能及於此乎瑩亦自此
栖心玄門探其慕道將有長柱之志尋難卿
邑莫知所之只領此僮而去

蕭山白鶴觀石像老君驗

越州蕭山縣白鶴觀石像老君觀是南朝所
置歲月既深講堂久已廢摧自三門大殿鐘
樓之外耕耨已平矣咸通末殿後空地內夜
夜有光如明月所射可八九尺間或陰晴改
候即有白氣如煙鬱勃騰踊人皆以為金玉
之像道士呂見素焚香祝之俄而白氣變紅
赤色散光如鋒鋸照曜數畝林木牆壁皆變
紅色中有影像太上老君之形使人穿掘文

餘得石像老君高四五尺香水灌沐立於大
殿之側見素以香花殷薦是夕夢二青童曰
太上有命爾發見真像精奉香燈功著於青
簡矣此後民有疾苦歲有水旱竭竭所誠必
貽嘉應自是邑人禱祈造無虛月斷見之後
唯石机缺前面六七寸及脚於土中訪求不
獲有湘湖老人水上見一物凌波而去謂其
蛇也以杖引之及岸乃石如毘脚上有橫石
老人訝其浮水之異留於其庭數日見素偶
過其家聞異而問之果老君之机取而勘之
曲折相契湖去白鶴四十餘里此藏地中綿
歷多歲彼浮水上以示非常何神奇之若此
益表聖像昭驗也

天台觀老君驗

台州剡史姚鶴因遊天台山天台觀命於講
堂後鑿崖伐木創老君殿焉將平基址於巨
石下得石函方可三尺發之中有小石函得
丹砂三兩玉簡一枚長九寸闊二寸厚五六
分上有文曰海水竭台山缺皇家寶祚無休
歇具以上聞敕曰上天降祉厚地呈祥爰有

白簡之靈書出於玄元之寶殿苦園祚延洪之兆示坤珍啓迪之符惟此休徵實為上瑞宣付史館頒示萬方乃咸通十三年壬辰之歲也鶴型老君像而山中土石相潭求訪極難夢青童告之曰賊東文所有土如聖可以用之求而果得塑太上之容侍衛凡八九身土無餘矣既成天儀燦然眸容伊穆月玄日角若載誕於瀾川雙柱三門疑表靈於相野洎潔齋以贊之則景氣融空奇光輝燦似聞笙磬絲竹之音咸以為休瑞昔桐柏初構天尊之堂有雲五色浮霽其上三井有異雲氣入堂復出者三書於國史以記符應清河崔尚碑文詳為此聖相殿亦自有記

楊開兒夢老君驗

成都楊開兒父母崇道常奉事老君精勤不怠開兒在軍伍中於金堂把截為敵人擒虜往南山寨中不被傷殺晝夜常念老君願拜見父母忽夢老君賜雲一系令童子引之送於平地童子曰可以歸矣及覺已出山寨因得還家到家之日父母為其作百日齋矣

勾道崇鑄金老君驗

勾道崇常精奉老君願鑄白馬金像特所在供養欲備金三十兩猶闕二十兩每以為憂焚香之際輕風颯至飄一藥貼墜於其前初甚覺輕聞之乃金二十兩遂鑄老君像精巧端嚴逾於常制

楊文簡老君賜金驗

楊文簡錦竹人也世奉香火事老君而齋農稍曠家道似窘一旦暴雨有老嫗避雨於其門持物授之曰苦李泉白永老人令將此簡來受之甚輕入手乃重發之乃真金也約千兩焉復訪老嫗不知所在乃知所說之狀即苦李泉老君也富及數世子孫善考創堂宇以答焉

道教靈驗記卷之七

道教靈驗記卷之八

廣成先生杜光庭集

天師靈驗

昭成觀天師驗

昭成觀壁畫天師歲月既深彩粉昏剝在通廊之下未嘗有香燈之薦頌政坊內居人姓李惠痞逾年皆不能愈日以羸瘦待時而已忽夢一道流長八九尺來至其前以大袖拂其面目之上頓覺清涼謂之曰自此較矣勿復憂也於是醒然疾愈稍能飲食洎晚策杖行繞其家不覺為倦但覺所夢道流猶在其前遂欲入昭成觀家人慮其困憊亦多止之不聽入觀於天師真前瞻視良久曰即所夢也拜禮數四乃召善夾紵塑人劉處士聖天師真改葺堂宇旦夕供養人所祈禱福祥立應其所塑夾紵真於夾紵內畫羅隔布內色縫絳絲為五臟腸胃喉龍十二結十二環與舌本相應藏內填五色香各依五藏兩數當心置水銀鏡一一精至與常塑不同其塑中土形移在天長觀金彩嚴飾亦皆靈應

2175 B 53